



清朝文獻通考(二)

7489

3503

第十通第九種
清朝文獻通考

第二冊

清高宗敕撰

山陵

世祖章皇帝陵曰

孝陵

孝康章皇后

端敬皇后合葬在遵化州西北七十里昌瑞山本名豐臺

嶺亦曰鳳臺山山脈自太行來重岡疊阜鳳翥龍

蟠嵯峨數百仞前有金星峯後有分水嶺諸山聳

峙環抱左有鮎魚關馬蘭峪右有寬佃峪黃花山

千巖萬壑朝宗迴拱左右兩水分流夾繞俱匯於

龍虎峪崇隆鞏固爲

國家億萬年鍾祥福地

康熙元年三月庚戌朔建

世祖章皇帝陵稱曰

孝陵先是順治十八年

詔建

世祖章皇帝饗殿

地宮精選識地理人等令內院禮部工部都察院科道官

員率往會議至是工成設內侍官員戛丁守護

二年四月辛酉奉移

世祖章皇帝寶宮至

孝陵

五月乙未奉移

孝康章皇后寶宮至

孝陵

六月壬寅奉安

世祖章皇帝

孝康章皇后

端敬皇后寶宮於

孝陵前一日遣輔臣文武三品以上官詣

陵致祭屆日恭奉

世祖章皇帝寶位安設

地宮石牀正中

孝康章皇后寶位安設於左

端敬皇后寶位安設於右畢輔臣跪祭酒衆隨行禮舉哀

各退

癸卯奉安

世祖章皇帝

孝康章皇后

端敬皇后神位於

饗殿致祭是時

饗殿告成稱曰

隆恩殿中一間寢室奉安

世祖章皇帝神位居左奉安

孝康章皇后神位居右右一間奉安

端敬皇后神位均南嚮門爲

隆恩門樓爲

明樓上懸

孝陵牌匾行奉安致祭禮

世祖章皇帝神位居正中

孝康章皇后神位居左

端敬皇后神位居右均南嚮讀祝奠獻一如時饗儀是年

封

孝陵山曰昌瑞山從祀方澤

七年正月庚戌恭建

孝陵神功聖德碑

聖祖仁皇帝御製文曰我國家肇基東土

祖功宗德昭格

皇天恢弘景運於萬年篤生我

皇考皇帝睿聖首出奄有萬邦大孝弘仁武功文德配兩

儀而軼千古既奉冊寶恭上

尊諡惟

陵寢宜有功德之碑謹撰述大概鐫諸貞珉用傳永久敘

曰

皇考世祖體天隆運英睿欽文大德弘功至仁純孝章皇

帝

太宗應天興國弘德彰武寬溫仁聖睿孝隆道顯功文皇

帝第九子也

母昭聖慈壽恭簡安懿章慶敦惠溫莊康和太皇太后

皇考未誕之先

太皇太后嘗有紅光繞身女侍驚以爲火近則不見衆皆

大異之又夢異人授一子曰此統一天下之主也次日

皇考誕生宮內紅光照耀香氣瀰漫經久不散

皇考生而神靈英異非常六齡讀書不假師資一目數行

俱下

太宗甚鍾愛焉甲申嗣登大寶是時流寇肆逆明祚已終

國亡君殉萬姓無歸爰整六師一戰而破百萬之強寇

乃建都燕京齊晉秦豫傳檄底定靖寇救民王師南下

金陵僭號者其臣下執之以降由是下楚蜀平浙閩兩

粵滇黔數年之內以次掃蕩遂成大一統之業治本愛民師出則嚴紀律毋敢殺掠百姓知民苦賦重盡除明季加派又停江浙督催織造官免陝西皮張絨褐之貢罷各省柑橘鰯魚石榴等物之進停止邊外城工蠲派徵民間助上之餉已臨清燒磚之役減朝鮮進貢之數定賦役全書修大清律令各衙門規制事例祇奉

太祖

太宗成法治具畢張敬

天尊

祖饗祀親虔孝事

太皇太后晨興問安長跪受教披閱章奏每至夜分勤學

好問擇滿漢詞臣充經筵日講官於景運門內建直房

令翰林官入宿備顧問經書史策手不釋卷遂知性知

天洞悉至道兼綜天文地理禮樂兵刑賦役古今因革

利病之源旁及諸子百家莫不博涉得其要領素衣菲

食不興土木之工親視太學釋奠先師發帑金崇其廟

貌雖太平不弛武備立賢無方丁亥己亥再舉會試開

廣額數以羅人才科場作弊者從重治罪視滿漢如一

體遇文武無重輕破故明人臣朋黨之習尚廉正斥貪

邪時時甄別廷臣以示激勵下詔求言虛懷納諫外官

入覲面諭以愛民勤職詳慎刑獄大辟覆奏再四駁審

命官恤刑各省冤濫者皆得免又停秋決一年闔寺不

使外交立鐵牌示禁令儒臣修

祖宗聖訓順治大訓通鑑全書孝經衍義等書以教天下

臣民詣先農壇躬耕藉田勸農以足民四方水旱災荒

頻發內帑多金賑濟雲貴初平頒發帑金薄賑軍民焦

心勞思惟念軍民疾苦至於故明諸陵設護衛禁樵採

憫崇禎帝死難頒諭祭諫其臣之殉難者予贈卹其宗室投順者令資養樂業其厚待如此我

皇考以精明理政務以仁厚結人心法制則細大無遺德

音則遐邇咸徧故使山陬海澨莫不覃被恩膏東至使

鹿使犬等國西至厄魯特吐魯番等國北至喀爾喀俄

羅斯等國南至琉球暹羅荷蘭西洋海外等數百國見

海不揚波咸曰中國有聖人出焉梯山航海莫不重譯

來王我

皇考惟是兢業祇慎無一日自暇逸也順治十八年正月

不豫於丁巳日上賓嗚呼哀哉

聖壽二十有四在位十八年葬

孝陵豫定於昌瑞山

皇考遺命山陵不崇飾不藏金玉寶器嗚呼故明政亂久

矣

太祖高皇帝

太宗文皇帝誕膺景命定亂無難特以尙德緩兵故也至

我

皇考當流寇殘破明室生民塗炭大兵西下掃平逆寇統

一寰宇非神武不能開基非至聖不能致治謨烈於昭

道法具在雖堯舜之德湯武之功何以尙茲謹拜手稽

首而陳頌曰

天佑下民眷於有德大清受命奄有方域

太祖肇基

太宗弘業

皇考繼緒直生睿質運協禎符懋建皇極大武布昭剪除

寇賊王師西下一戰而克定鼎燕京綏懷反側指顧蕩

平一統萬國恬冒悉民仁恩洋溢能貢停工以慰民力

立綱陳紀利興弊革成憲周詳有典有則圖治勵精憂勞日昃萬幾畢理大猷允塞崇儉去奢克勤無逸敷政優優居心翼翼丕承遺緒永言孝思先意順志恭事

慈幃好學不倦悟道淵微博綜經史百事周知戒勵臣工

首在勿欺賢奸立辨黜陟咸宜纂成文籍洋洋訓詞金

匱是寶萬世可師慎刑薄賦賑救荒災勸農興學富之

教之帝王道貫履載功齊聲教四訖遐邇不遺殊方重

譯入貢京師治化溥洽道法昭垂休徵駢集洪烈長貽

巍巍

孝陵神爽憑依山苞川拱祥護靈祇饒詞貞石億禩歌思

孝惠章皇后陵曰

孝東陵在

孝陵之東

康熙五十七年三月壬申奉移

孝惠章皇后梓宮往

山陵

四月乙酉奉安

孝惠章皇后梓宮於

寶城地宮是月奉安

孝惠章皇后神位於

費殿時

孝惠章皇后山陵禮成並擇吉安葬

皇考諸妃及諸宮人於各墓

隆恩殿中寢室奉安

孝惠章皇后神位左室奉安

悼妃

恭妃

恪妃	孝恭仁皇后合葬	聖祖仁皇帝陵曰
端順妃神位右室奉安	敬敏皇貴妃從葬在	景陵大學士等恭擬
貞妃	孝東陵之東	聖祖仁皇帝陵名進呈
淑惠妃	康熙十五年二月壬戌建	世宗憲皇帝哀慟不勝親刺指血圈出
寧懋妃神位均南嚮祭日奉	仁孝皇后地宮興工	景陵兩字
孝惠章皇后神位居中南嚮	臣等謹按	三月丙午奉移
四妃神位居左西嚮	孝誠仁皇后於康熙十三年上	聖祖仁皇帝梓宮於
三妃神位居右東嚮奠獻行禮與	尊諡曰	景陵先是正月總理事務王大臣等議言謹按宋明之禮
孝陵同	仁孝皇后雍正元年六月始改上	梓宮至山陵嗣帝皆不親送宋時以親王宰相充
諸妃奠獻咸用內監	尊諡曰	之明時或以皇子親王至之所
十二月丙辰	孝誠恭肅正惠安和儷天襄聖仁皇后	聖上思宋明定制之深意念
聖祖仁皇帝詣	二十年二月	宗廟
孝惠章皇后陵行期年致祭禮	陵寢地宮成癸卯奉移	社稷之重任以慰臣民之心得
五十八年二月甲子尊	仁孝皇后	旨凡事當遵奉
孝惠章皇后陵曰	孝昭皇后梓宮於	祖考已行典禮方為盡善前
孝東陵	陵寢	曾祖母太皇太后發引時
禮部等衙門言古來帝后有不合葬而自為陵者	三月辛酉奉移	皇考親自恭送至
俱就方位定名今	仁孝皇后	祖母皇太后發引時
孝惠章皇后陵在	孝昭皇后梓宮於	皇考聖躬違和並有足疾尚且親送
孝陵之東不必另立陵名臣等恭擬尊稱為	陵寢地宮	梓宮啟行諸王大臣豈能勸止乎親送
孝東陵得	二十八十年十月甲戌奉移	皇考梓宮至
旨是	孝懿皇后梓宮於	山陵朕意已定大臣等勿再強奏
聖祖仁皇帝陵曰	陵寢	四月辛亥
景陵	癸未奉安	聖祖仁皇帝梓宮至
孝誠仁皇后	孝懿皇后梓宮於	景陵暫安奉
孝昭仁皇后	陵寢地宮	享殿
孝懿仁皇后	雍正元年二月丁卯尊	世宗憲皇帝諭屬從諸王大臣日朕親送

梓宮沿途於大禮雖獲免闕遺而思慕未有窮期朕欲留

住

山陵數日然後回京諸王大臣務體朕意王大臣等合辭

奏言

聖駕奉

皇太后在此若不回鑾

皇太后亦必愈加哀慟所關甚重懇請仍照原議於祭畢

回京乃從之

八月乙丑奉移

孝恭仁皇后梓宮於

景陵

辛未

孝恭仁皇后梓宮至

景陵暫安奉

享殿是日

世宗憲皇帝謁

暫安奉殿

孝陵

孝東陵行禮畢哀畢遂詣

景陵望見

陵門即長慟至

享殿祭酒行禮畢哀傳諭諸王大臣悉至

聖祖仁皇帝梓宮前眾皆感慟良久乃出至黃幄內祇候

孝恭仁皇后靈駕至

世宗憲皇帝跪迎於碑亭前步從入奉安

梓宮於

饗殿之左蘆殿內列

世宗憲皇帝祭酒行禮畢哀畢傳

諭曰

皇太后素性謙謹事

聖祖仁皇帝數十年未嘗少懈今暫安奉

梓宮於蘆殿

饗殿內見奉

聖祖仁皇帝梓宮

仁壽皇太后前一應供獻及祭文不可由中門出入皆應

於西門行走以仰體我

皇妣謙沖至意

九月丁丑朔奉安

聖祖仁皇帝

孝恭仁皇后梓宮於

景陵前期一日行告祭禮

世宗憲皇帝詣

饗殿於

聖祖仁皇帝几筵前讀文致祭奠獻行禮次詣

孝恭仁皇后几筵前讀文致祭奠獻行禮畢乃暫出至

隆恩門外幄次俟徹祭品少頃復入於

聖祖仁皇帝梓宮前祭酒奉移時

聖駕前行至

明樓前

蘆殿恭奉

聖祖仁皇帝梓宮奉安於龍輦畢復至

孝恭仁皇后梓宮前祭酒舉哀奉安於

聖祖仁皇帝梓宮之右均北嚮

冊

寶各設於

梓宮兩旁行奠獻禮

命凡

聖祖仁皇帝諸皇子皇孫及阿日親近大小臣工皆得入

蘆殿瞻仰

梓宮畢乃出至是日

世宗憲皇帝詣

景陵行奠獻禮欽天監奏吉時屆通於

聖祖仁皇帝梓宮前祭酒三爵次於

孝恭仁皇后梓宮前祭酒三爵各行三拜禮畢至

陵寢門外向北跪哭以俟諸臣恭率校尉先奉

聖祖仁皇帝龍輦入

地宮次奉

孝恭仁皇后龍輦入

地宮奉安

梓宮於寶牀陳

冊

寶於各石案次請

敬敬皇貴妃金棺從葬掩閉

元宮石門

世宗憲皇帝於祭臺前祭酒三爵行禮畢哀眾隨行禮畢

哀畢乃出是時諸王大臣及各官仰見五色祥雲

自西北起覆於

景陵繚繞不散僉謂

聖祖峻德宏功之瑞應

世宗至誠大孝之威格焉是日大學士等恭題

聖祖仁皇帝
孝恭仁皇后神主舉行虞祭禮

世宗憲皇帝恭奉

神主回京升祔

太廟先是二月乙巳禮部奏言臣等欽奉

上諭詳察題主禮儀今考禮書既葬藏明器下訖石復土

堅築乃題主奉神主升車反室蓋未葬之前事以

生禮既葬之後奉以神道謹議於

梓宮奉安地宮之後恭題

太廟神主禮成奉安黃輿令親王大臣等敬奉回京奉

旨明季帝王皆不親送梓宮故令親王大臣奉至回京朕

既親往若不親奉

神主而歸於心何安族

山陵事畢題

主禮成朕親奉

皇考神主還京八月乙亥升祔

太廟屆期

命大學士嵩祝等恭奉

神主填青

諭之日填青典禮所關最重古人必取名望素著德行純

粹學問淵深者以充此任今爾等位既貴顯人品皆優

是以特加簡命爾等當體朕敬恪之誠潔誠齋戒屏除

塵慮如

聖祖在

天之靈陟降上下誠意所孚洋洋如在方副朕一片孝思

爾等不必有意於哀慟不必有意於儀文祇以一誠感

格爲是是月奉安

聖祖仁皇帝
孝誠仁皇后

孝昭仁皇后

孝懿仁皇后

孝恭仁皇后神位於

隆恩殿禮部議

隆恩殿中一間寢室奉安

聖祖仁皇帝神位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次

敬敏皇貴妃神位於右一間均南嚮

明樓上懸

景陵牌匾每年清明孟秋望冬至歲暮行大饗禮恭請

帝

后神位南嚮

敬敏皇貴妃神位東嚮莫獻行禮均與

孝陵禮同

二年三月乙酉清明節

世宗憲皇帝恭詣

陵寢致祭行土禮

五年閏三月丁丑恭建

景陵聖德神功碑遣官告祭

世宗憲皇帝御製文曰

皇天眷佑我國家顯謨盛烈世世相承

太祖

太宗肇基東土締構鴻圖

世祖混一寰瀛克成駿業篤生我

皇考皇帝直神聖之姿立君師之極大德廣運健行不息

至明如日至仁如天集皇王之大成亙古今而首出書

契以來罕有倫比以揚

列聖之耿光以裕我無疆大歷服予小子繼承基緒既奉

冊寶恭上

尊諡山陵禮畢宜建穹碑頌揚功德欽惟我

皇考臨御六十餘年厚德崇功布濩宇宙盈溢簡牒巍巍

乎蕩蕩乎不可殫述謹擬大概鐫勒貞珉用昭垂於億

萬祀敘曰

聖祖合天弘運文武睿哲恭儉寬裕孝敬誠信功德大成

仁皇帝

世祖體天隆運定統建極英睿欽文大德弘功至仁純孝

章皇帝第三子也

母孝康慈和莊懿恭惠溫穆崇天育聖章皇后在妊時

孝莊文皇后見

孝康章皇后衣裾若有龍繞知爲毓聖之祥逮降誕之辰

異香盈室經日不散五色光華與日並耀宮人內侍咸

所瞻仰天表奇偉耳大聲洪雙瞳日懸隆準岳聳膚理

瑩白皎然玉質舉止嚴重性度恢宏敦敏聰明出言中

理辛丑正月嗣登大寶時甫八齡

孝莊文皇后問所欲對曰惟願天下乂安兆人樂業共享

太平之福

孝莊文皇后動容嘉嘆知能荷神器爲生民主也自初讀

書十行俱下畧不遺忘講幄既開日與儒臣論難往覆

好古敏求勤篤甚於儒素譚經評史發揮道奧流覽之功偏於七略爰及緯象聲律算數百家之書莫不觸類洞微得其精要故知性知天察人倫而明庶物雖一名一物皆研究精微而一以貫之敬

天尊

祖禮祀必親齊明盛服率禮無怠至年踰六十頗艱拜起冬至上辛祫祭羣臣懇請遣官恭代猶必詣

郊

廟省視陳設行迎神之禮退居齋幄默致精誠俟禮畢然後旋輅天性純孝事

孝莊文皇后垂三十年致愛盡誠委曲周至從幸時乘馬不離左右道路少仄卽下馬扶輦踰嶺則扶掖升降彌

加恭謹康熙二十六年冬

孝莊文皇后聖體不豫

皇考親嘗湯藥席地而坐目不交睫衣不解帶者三十五晝夜連疾大漸自撰祝詞步禱

南郊請減已算以延慈壽伏地誠懇涕泗交頤至居廬時哀瘠過甚不盥沐者數十日釋服後仍處偏殿衣布素

恭送龍輅每日必步隨數里朝夕慟戚如初喪終身思慕每一言及聲淚俱發事

孝惠章皇后垂六十年備極孝養省方江南避暑塞外必奉鑾輿以行康熙四十九年

孝惠章皇后壽躋七旬

皇考亦年近六旬矣正月元夕宮中張燈設宴躬親起舞稱萬壽觴中外傳爲天家盛事友愛裕親王等同問安

慈寧宮每序家人之禮親親之誼久而彌篤其疾也屢親視之薨也屢親臨之宗室中用其才俊而禮其高年

無爵位者亦有常服自康熙六年始親政事未明求衣日昃忘食數御門延見公卿詳論得失綜理萬幾日有常程靡所稽滯嘗於巡幸之次章奏未至秉燭以俟或於四鼓披覽達旦遂忘寢息孜孜圖治不自暇逸歷六十餘年終始惟一慮已求言以廣視聽片詞之善必蒙采錄或星象示異水旱爲沴卽命羣下直陳休咎所起無有隱諱又命督撫諸臣密奏地方利弊所宜興罷者雖在萬里之外周悉情狀視若目前審官班祿必惟其當內自六卿之屬外自縣令以上臨軒召見觀其可否然後命之其以清修苦節著聞者立行甄擢以勸有位介冑之士無大小必親試其能開霽天顏從容詢問寸長微績並加獎勵人皆感激自奮

聖性天授一經觀謁歷久不忘故文武之選程材使器官得其人人稱其職

皇考智勇天錫廟算如神三逆未叛之前卽燭其終爲悖亂宜早定大計遣大臣趣召之吳三桂果反耿精忠繼之乃宣睿略簡禁兵守荊州安慶鎮江爲聲勢命諸王大臣爲大將軍分道並進三桂自出至衡州湖南皆陷王師扼之於岳州用戰艦據江湖斷賊餉道三桂憂怖死遂拔岳州盡收湖南地由陝西取漢興定四川明年定貴州又明年定雲南逆孽自焚餘黨悉平精忠兵出仙霞旁擾溫台大兵遏之衢州屢催其鋒遂北入仙霞順流而下精忠自縛軍前溫台賊悉破散向之信最後反王師北自韶州東自潮州盛之之信束身乞降其間孫延齡陸梁於桂林王輔臣潰亂於寧羌戈鋌所指不久就俘當賊勢之熾大江以西五嶺以南悉爲賊踞烽火幾半海內

皇考默運神謀不動聲色入載之間再定寰宇廓清氛翳耿精忠之亂鄭經自廈門盜踞下游三府精忠敗大兵乘勝復三府經遁歸廈門越二年克廈門經遁歸臺灣以海舟守澎湖爲門戶

皇考決策命師治勝艦以六月乘北風攻澎湖再戰破之臺灣震聳乞降遂以其地爲郡縣海氛起於明季自鄭成功巢穴茲島傳子經及其孫歷三世出沒爲閩海患至是悉靖察哈爾部布爾尼者元之遺裔其先世納款獻傳國璽故特恩尙至封王父阿布奈漸爲狂恣

皇考不忍置之法羈諸盛京俾布爾尼襲封召之不至遂以所部叛遣將率禁旅討之兩月之內殲厥渠魁招撫其衆北藩以宣俄羅斯風慕德化奉職貢乃其邊人羅利踞雅克薩城納我逋逃以擾索倫興師徂征拔其城縱其俘振旅而還會俄羅斯之國王遣使上疏謝罪命大臣往定邊界東北數千里延及海邊胥隸版圖厄魯特者元之牧牲人也其頭目噶爾丹梟桀習戰鬪刦服諸番殘回部數百餘城復與喀爾喀構難潛刦其衆故喀爾喀七旗數十餘萬皆稱臣內附

皇考親巡塞外受其朝謁錫之名爵頒諭兩部落息兵寧人噶爾丹願梗弗率以追喀爾喀爲名闖入邊界

皇考計安藩服躬申天討以康熙三十五年春親統六師由中路直抵克魯倫料賊必逸而西別遣大將由西路進兵土喇噶爾丹聞天兵至棄其輜重連夜西奔恰遇西師於昭木多大破之噶爾丹收拾餘衆竄伏窮荒其冬車駕再出至鄂爾多斯遣使招明年春又出寧夏循賀蘭山哈蜜擒其子以獻其族類丹濟拉等潛輸誠款師次狼居胥山天兵四布噶爾丹勢孤援絕仰藥自

欵師次狼居胥山天兵四布噶爾丹勢孤援絕仰藥自

盡丹諸拉其遺骸及其子女人口來歸前定其
兄子策妄阿喇布坦素與噶爾丹有隙棄其南發潛據
其地誘致逃遁種類漸滋因圖青海諸部及西域諸番
暗遣人攻拉藏殺之掠據藏地

皇考以

太宗文皇帝時班禪額爾德尼達賴喇嘛知東土有聖人
遣使歸命追念厥誠不可以勿救於是分遣諸將率西
寧諸路之兵自青海入四川雲南之兵自拉里入整旅
前驅不遺一矢遂定藏地復達賴喇嘛之位安西域之
眾其他西番諸國無不欣喜戴委費恐後移念東南
水患屢勤翠華躬視河淮每步長堤或獨小舟周迴觀
覽高下險易瞭若指掌授策河臣罔不奏效開中河以
避黃河百八十里之險治下河則疏人字芒稻河注之
江濬蝦蟇諸溝注之海治清淮則培高堰塞六壩以蓄
其勢開張福口裴家場以暢其流治黃河則浚雲梯關
以通海口築挑水壩開陶莊引河以導其北向築減水
壩修鹽河以洩其旁溢於是淮不東漫而北敵黃黃不
南灌而東趨海下河七州縣化浸為沃農桑遍野漕艘
商舶上下數千里安若衽席其在畿輔之內則隄子牙
而漳滏浹沱無泛濫開柳全口而盧溝不橫決皆
皇考頻年巡省面授經畫用迄於成績勤求民瘼凡所在
賜雨之期封疆大吏隨時奏聞偶有旱澇無不周知賑
恤之恩不稽旬日籌畫詳盡薄徭優渥故雖有愆伏而
民忘其災遠至蒙古諸藩並厘
睿慮分遣使臣教以網罟耒耜之利俾知鮮食艱食每聞
積雪荒歉卽賜之牲畜米糧咸獲贍給康熙二十六年
朝鮮以大饑告截河南漕米由登州汎海發盛京倉貯

宰

皇考弘曠蕩之恩遂除二千年誅戮慘酷之弊慎茲祥刑
復於三代興行教化申之以告誡

御製訓飭士子文刊於學宮

聖諭十六條頒於州縣訓詞深厚丁寧周至士習民風於
焉不變崇敬先師表章前賢東巡守至於兗州親詣闕
里致祭孔子拜跪之儀有加於往代廣賢裔博士之封
宋儒周邵二程張朱皆稱子而不名升朱子祀於堂壽
考作人開鄉會試者各二十有一科髦俊蔚興相繼輩
出增江浙入學名數廣直省鄉試解額文思廣被苗裔
之秀隸籍營官島上君長遣子弟就業辟雍窮山越海
靡然向風右文稽古命儒臣纂修周易折中圖象卦爻
之蘊親加論定又修書詩春秋傳說彙纂性理精義朱
子大全經籍之道煥然大明又親授詞臣考訂律歷歷
得合天律諸眞度誠萬世不易之法按北極之高測地
理南北東西差得皇輿全圖其他所編輯卷帙繁富充

於內府纂政之暇喜操翰墨文成典諸詩爲雅頌書蹟
神運天矩爲百代模楷圖五鈞之弓射大鏃之矢發則
必中中必洞貫文事武備並臻其極所謂天縱之聖又
多能也致敬前代禮踰常典自夏商以迄元明帝王膺
歷服者咸入廟而享祀焉前後南巡親祭明孝陵者三
又欲封其後裔俾承祀焉祀予小子祇奉遺言錫之侯爵
公卿大臣戎行將帥多服官至四五十年

皇考嘗待耆舊恩禮優渥凡朝會譟享履眉皓齒濟濟盈
庭三代而下誠爲盛典

皇考自幼齡奉

孝莊文皇后慈訓凡飯食起居視聽言動皆有矩度盛德
自然周旋中禮端展淑政天顏肅穆雖宮庭閒譟一言
一笑不以假人太和元氣充於四體冬不燠而自溫夏
不扇而手足未嘗濡汗正衣冠尊瞻視終日儼平若思
建於耄齡聖敬日躋敦尚儉素衣不辭澣濯食不取珍
異宮掖人數至少光祿寺一歲所費較之前代僅十之
一服御器用歷久不易未嘗以故弊棄遺巡幸所至不
煩民閒一物宮室舟舫純用樸斲無丹青之飾秉德謙
沖自平定三逆肅清朝漢凱旋告功及五旬六旬
萬壽節五十六十年實歷國家大慶諸王公文武臣僚太
學生徒京兆耆老屢請恭上
皇考頻下諭旨讓而弗居於戲惟我
皇考躬備聖德久道化成風教翔洽錫福烝人胥躋於仁
壽乃至鳥獸草木咸若守成之業恆於創造拓開疆宇
廣袤各數萬里在昔未賓之國重譯踵至戴天履地含
生負氣之倫莫不尊親自有生民蓋莫盛於斯日者然

且兢兢業業緝熙車心敬上天之明威察下民之視聽
焦勞萬務未嘗以天位爲樂憂勤惕厲以迄於終身是
所以接堯舜禹湯文武孔子之心傳優入聖域而仁覆
天下也康熙六十一年冬十一月甲午崩

聖壽六十有九雍正元年九月丁丑葬

景陵謹拜手稽首而作頌曰維我皇清

上天眷命二儀凝祉

三皇篤慶

皇考紹烈建中表正直聰宣明乃神乃聖翼翼昭事仰格

高穹化將道贊祭以誠通虔承

九廟孺慕

兩宮大孝備矣至德光融爰在冲年夙成睿智致泰之基

徵乎言志日就月將古訓是嗜理數兼該窮源抽秘萬

幾在御八表君臨克勤於政無逸爲歲晨輟欲起宵漏

已深慮周禹迹事厯堯心廣聽並觀樹旌建鼓靡善不

揚有闕斯補四門攸同庶官式敘既探珪璋亦羅貔虎

苞有三葉怙勢悖恩默運神機載奠乾坤施麾烽燧督

指鯨奔提封式廓截海爲藩元裔速辜不修厥職禁旅

一臨兇渠伏殲羅利擾邊邊師討賊拔城縱俘感恩懷

德維彼雄梟構難比隣比隣內附稽顙稱臣敢抗明詔

怙惡不悛

天子三征掃蕩邊塵茲遺孽構氛西徼自恃荒遐狂跳

縱暴堂堂天兵何剛不到底定三危恩同再造瑤池之

水崑崙之岡窮域絕漠越海踰洋書傳所記咸我販章

敷天率土無不來王睠念河淮頻乘四載既安二瀆亦

通百派一授成功萬世永賴宵樂同憂仁膏遍沛周詩

時邁虞典歲巡省方詢俗董路生春蠲租賜復歲有恩

綸惠心溥渥益道平均暘雨偶愆恩澤已布朔漠朝鮮

同霑膏露象魏既懸雞竿屢樹貫索其空桁楊可厝德

惟善政道在遺經紆御東魯親奠兩楹禮明樂備檜栢

增榮光華復旦天下文明單心四府研精儒術典籍大

興英髦踵出發在璣衡協時正日玉振金聲審音調律

海涵地負大哉王言鸞鸞鳳翥煥平宸翰文經武緯異

用同源道高能博藝備德尊歷代帝王祀典彌厚備列

几筵光延籩豆修敬前朝親臨鐘阜三格垂封烝嘗有

後功勳舊恩禮優容麗眉皓首濟濟雍雍謙克讓

川受谷冲穆穆其敬安安其恭六幕啟宇八埏壁域維

我

皇考憂勞靡極三靈集祐五紀膺歷維我

皇考兢兢不息貽我臣庶食德難忘貽我子孫卜世無疆

昌瑞之山峰峙川長功德穹碑天日同光先是以

景陵建

聖德神功碑遣大學士工部欽天監堂官相度立碑方位

論諸臣曰

世祖章皇帝碑文字跡似小

聖祖仁皇帝在位六十餘年功德隆盛文章字數甚多一

碑不能盡載建立二碑一刻清字一刻漢文其碑若比

世祖章皇帝碑亭寬展恐有未安即或加寬必不可加高

爾等詳議具奏尋議應依

孝陵碑亭之式建立二碑俟鐫刻告成擇吉建立從之

皇朝文獻通考卷一百五十一

山陵

世宗憲皇帝陵曰

泰陵

孝敬憲皇后合葬

敦肅皇貴妃從葬在易州西三十里永寧山本名太平

峪山勢自太行來巍峩聳拔脈秀力豐峻嶺崇山

遠拱於外靈巖翠岫環衛其間前則白澗河旋繞

而清澗沙滋諸水會之後則巨馬河瀦流而胡良

琉璃大峪諸水會之信天設之吉地也先是雍正

七年十二月壬寅

世宗憲皇帝諭大學士等曰朕之本意欲於

孝陵

景陵之旁卜擇將來吉地而堪輿之人俱以爲無可營建

之處後經選撰九鳳朝陽山吉壤具奏朕意此地近依

孝陵

景陵與朕初意相合及精通堪輿之臣工再加相度以爲

規模雖大而形局未全穴中之土又帶砂石實不可用

今據怡親王總督高其倬等奏稱相度得易州境內泰

靈山太平峪萬年吉地實乾坤聚秀之區爲陰陽和會

之所龍穴砂水無美不收形勢理氣諸吉咸備等語朕

覽所奏其言山腳水法條理分明洵爲上吉之壤但於

孝陵

景陵相去數百里朕心不忍且與古帝王規制典禮有無

未合之處著大學士九卿詳悉會議具奏戊午大學士

等會議言謹接帝王世紀及通志通考諸書歷代

帝王營建之地遠或千餘里近亦二三百里地脈之呈瑞開乎天運之發祥歷數千百里蟠結之福區自非一方獨擅其靈秀今泰靈山太平峪萬年吉地雖於

孝陵

景陵相去數百里然易州及遵化州皆與京師密邇實未

爲遙遠又泰靈山雄高羣嶺脈自管涔恒嶽而

來襟帶百川分水以拒馬滹沱爲界相其形局既

屬大地之凝麻稽之典章又合三代而同揆伏乞

遵照定制敬謹辦理自集純嘏於萬年流嘉祉於

奕葉矣得

旨大學士九卿等引據史冊典禮陳奏朕心始安一應所

需工料等項俱著動用內庫銀兩辦理規模制度務從

儉樸其石像等件需用石工浩繁頗勞人力不必建設

著該部遵行

乾隆元年二月戊子尊

世宗憲皇帝陵曰

泰陵

十月戊辰恭懸

御書

泰陵匾額

辛未奉移

世宗憲皇帝梓宮於

泰陵先是八月丙戌禮部奏十月十一日

世宗憲皇帝梓宮發引儀注奉

諭旨奏內議稱奉移

梓宮發引時朕隨行出賞字尊親牌樓門跪於街南恭候

梓宮過後朕乘輿出西直門由別路前往恭候至於梓宮到

泰陵三孔橋更換小畢時朕先至

隆恩門恭候到

陵後安奉

梓宮之次日祭畢即行回京等語

雍和宮奉移

梓宮之日朕不忍於城內乘輿前往應步行送

梓宮出城後再乘輿由別路前往以便跪接至三孔橋更

換小畢時朕仍在旁跪候不必先至

隆恩門

梓宮到陵之次日祭畢即回朕心實爲不安朕欲在彼居

住數日以申哀戀之忱著總理事務王大臣議奏十

月初九日行奉移

梓宮禮告祭畢朕即在

雍和宮居住恭候

梓宮發引餘依議至九月癸巳總理事務王大臣議言謹

按前代帝王親送梓宮者少無成憲可稽禮曰既

葬反而卒哭又曰既反哭主人與有司以几筵舍

奠於墓左反日中而虞是安奉既畢原無復行居

住之文恭查雍正元年三月二十七日

世宗憲皇帝親送

聖祖仁皇帝梓宮至

山陵屢降

諭旨欲於安奉後在

陵居住數日羣臣再三勸請伏蒙

皇上遵照

世宗憲皇帝典禮於次日祭後回鑾實屬允協奉

諭旨王大臣援引禮經及

皇考所行定例具奏朕謹遵此例行成

諭日十月十一日朕親送

皇考梓宮前往

山陵朕躬縞素其隨往之王大臣官員等俱素服冠縞纓

緯到

陵後回鑾時各官冠纓纓緯俱服行衣又

諭履親王允禩等曰爾等所議奉移

皇考梓宮送至

陵寢照從前

仁壽皇太后恭送

聖祖仁皇帝梓宮之例內稱

皇太后宮眷於每日早晨先行由另修道路豫至

享殿恭候駐次於朕黃幔城之右稍後等語雖云天子行

營宜居正中朕心實為不安伏思

皇太后恭送

梓宮宜瞻望

梓宮起行稍開在後隨行駐次亦應於

梓宮營內至回京時

皇太后仍由原行路回京則既與理相合亦不致勞民動

眾修墊三道著總理事務王大臣會同再議具奏

尋王大臣等議言奉移

世宗憲皇帝梓宮日

皇帝於

梓宮前祭酒三爵

皇太后於

梓宮旁祭酒三爵

皇太后宮眷

皇后宮眷瞻望

梓宮起行後由阜城門出候

梓宮過隨行駐次請於

蘆殿大營東邊稍後建立行營設

皇太后黃幔城每日早晨瞻望

靈駕起行後稍開隨行晚間停止進謁至日由駐次所修

新路先至

隆恩門西所設黃幔恭候

回鑾時仍由去時所行道路還京從之

丙子

世宗憲皇帝梓宮至

泰陵暫安奉

饗殿

臣等謹按

泰陵安奉地宮以前致祭之禮乾隆元年八月禮臣奏恭

查

世祖章皇帝於二周年安奉

地宮自期年後每日一次奠獻每月饌五筵羊三酒三尊

楮錢五千楮帛五千致祭

聖祖仁皇帝於期年內安奉

地宮於安奉前每日仍三次供獻每月饌十有一筵羊五

酒五尊楮錢二萬楮帛一萬致祭本月二十三日

於

世宗憲皇帝前行期年致祭禮至十月十一日奉

梓宮於

泰陵至次年三月初二安奉

地宮奉移之前請照

聖祖仁皇帝前奠獻之例每日三次至奉移

泰陵安奉

地宮之前請照

世祖章皇帝前奠獻之例每日一次其月祭所用饌筵羊

酒楮錢楮帛等項仍照見行例致祭至是禮臣復

奏言

世宗憲皇帝梓宮暫安奉

隆恩殿每日三次點香燭脯時供果饌一筵凡在

陵寢之貝勒公大臣侍衛等分作二班輪流齊集安奉

地宮以前

隆恩門令大臣侍衛等守護周圍內外令總管率八旗

官兵總兵率綠旗官兵各輪班守護每月二十三

日周月致祭由部奏遣親王承祭行禮舉哀如儀

從之二年二月庚辰奉移

孝敬憲皇后梓宮於

泰陵先是元年十二月戊辰

諭總理事務王大臣等曰明年二月二十二日朕親送

孝敬憲皇后梓宮前往

泰陵前已頒發諭旨今因禮部奏進儀注奉

皇太后懿旨屆期亦欲親送朕思奉移之日距安奉

地宮之期尚遠

皇太后慈輿可以遲數日啟行少節勞勩再三奏懇未蒙

俞允又降

懿旨

孝敬憲皇后梓宮奉移大事若不親送於禮未盡於心未

安欽此傳諭總理事務王大臣禮部工部內務府將一

切儀注及途次行走事宜一并詳議具奏尋王大臣

等議言

孝敬憲皇后梓宮奉移日

皇帝詣

梓宮前祭酒三爵

皇太后於

梓宮旁祭酒三爵

皇太后宮眷

皇后宮眷瞻望

梓宮起行

梓宮由殯殿出

皇上豫詣大門外東旁跪候

梓宮登大昇輿輿在左隨行至下馬紅椅處候

靈駕過

乘輿由別路豫往

蘆殿祇候

皇太后

皇后宮眷由

御路往行營箇次

靈駕將至

皇上跪迎候過隨行安奉

蘆殿畢供獻果饌

皇上行夕獻禮畢由東南角門出翼日早

皇帝詣

蘆殿前行朝奠禮

皇太后

皇后宮眷退於

蘆殿東間瞻望

靈駕起行每日恭迎行禮之處皆照此例行至

陵之日

皇帝

皇太后

皇后皆先詣

世宗憲皇帝几筵前恭謁畢

皇帝至紅門內東更衣殿內恭奠

靈駕至紅門外橋東跪迎候過隨行埃奉安畢於

梓宮前行奠獻禮乃還行宮眾皆退

皇太后

皇后宮眷均詣

殿內祭酒三爵畢回行營從之

甲申

孝敬憲皇后梓宮至

泰陵暫安奉

蘆殿

乙酉王大臣等奏請開日一詣

梓宮前奠獻不允總理事務和碩莊親王允祿等奏言昨

奉

諭旨二十八日二十九日三十日俱親詣

靈殿梓宮前奠獻行禮等伏見

皇上自二十一日詣

孝敬憲皇后梓宮前行祖奠禮二十二日

梓宮發引

皇上步行親送又先至

蘆殿奉迎

躬親奠獻沿途每日迎送兩次行禮盡敬盡哀

聖躬已極勞瘁二十六日恭謁

世宗憲皇帝梓宮今日行奉安

大祭禮連日哀勞實為過甚在

皇上大孝性成中情純摯不覺過哀而等瞻仰之際

不勝感悚伏念三月初一日

大祭初二日安奉

地宮典禮至為重大

皇上仁孝誠敬之心更不知如何深切若於此三日內

詣

泰陵瞻依悲痛深恐哀勞太過致煩

皇太后慈念且初五日

升祔大禮儀文隆盛歸途程次遙遠

聖駕更為勞頓伏乞

俯允等所請開日一次前往

親奠稍加樽節以慰安

皇太后聖心等不勝誠懇激切之至得

旨諸王大臣所奏知道了朕若開日一往心轉不安仍

照前旨每日親詣奠獻

三月庚寅奉安

世宗憲皇帝

孝敬憲皇后梓宮於

泰陵地宮其日辰刻奉移

世宗憲皇帝

孝敬憲皇后梓宮升龍輜由隧道入

地宮安奉

寶牀次請

敦肅皇貴妃金棺升太平車安於寶牀

皇上親視安奉又

特命和親王弘晝隨入

上號痛不已諸臣再四叩請乃出是日大學士等恭題

世宗憲皇帝

孝敬憲皇后神主畢行虞祭禮

上恭奉

神主回京升附

太廟先是二月己卯

諭據禮部奏稱向來點

主有具采服之例今

世宗憲皇帝點

主日期在二十七月服制內除簡命點

主之大學士具朝服外朕與羣臣皆素服不綴冠纓等語

朕思服制之內固素服爲是但點

主乃係

皇考萬年崇祀之吉禮朕與臣工在

隆恩殿行禮時咸應從吉服冠纓纓纓可傳諭禮部知之

戊子

諭派出點

主之大臣鄂爾泰張廷玉三泰任蘭枝曰點

將事方克稱尊奉之隆儀卿等皆國家大臣夙荷

皇考恩遇倚任有年名望素著故藉卿等襄此鉅典其體

皇考在天之靈庶得仰邀

皇考歆鑒朕有厚望焉

甲午清明節奉安

世宗憲皇帝

孝敬憲皇后神位於

隆恩殿禮部奏三月初六日清明節於

隆恩殿奉安

神位大祭儀是日

泰陵奉祀等官俱朝服豫陳祭品進祝版畢奉祀執事等

官詣

東配殿供奉

神牌處行三叩禮恭奉

神牌由中堦升奉安

世宗憲皇帝神牌於正中左

寶座奉安

寶座俱南向奉安

敦肅皇貴妃神位於西寶座東向各行三叩禮退承祭

官奠獻行禮如常儀祭畢奉祀官行三叩禮恭奉

世宗憲皇帝神牌安奉正中暖閣居左

孝敬憲皇后神牌安奉正中暖閣居右

禮退

五月丁未封

泰陵山爲永寧山從祀

方澤

九月壬辰恭建

泰陵聖德神功碑

上御製碑文曰洪維我

聖祖仁皇帝統承

三聖之謨烈奄奠萬方撫臨天下六十一年實兼開創與

守成之事爰自綏靖南荒翦除三孽而後惟務以深

仁厚澤淪浹中外俾涵泳優游四方從欲而勵精圖

治悠久無疆晚歲之政尤欲申嚴庶務以正官方糾

詰敝民以清禮俗以明作濟惇大以節制保豐亨故

我

皇考嗣承丕基凡誠孝中正寬仁之大原無一不與

聖祖同揆至用人行政規模則稍有變通以求繼志述事

之盡善惟

皇考神聖之姿默契

聖祖是以膺付託之重任而宏開夫萬年有道之長惟

皇考誠敬之德簡在

帝心是以致嘉祥之駢臻而即駿於四海於變之盛雖十

三年之憂勞無一日一時少釋於

宸衷而所以貽我子孫臣庶億萬禩之樂利無窮者誠如

天地之無不轉載也

皇考世宗敬天昌運建中表正文武英明寬仁信毅大孝

至誠憲皇帝

聖祖合天弘運文武睿哲恭儉寬裕孝敬誠信中和功德

大成仁皇帝第四子也

母孝恭仁皇后在妊時夢月中仙娥授以神子既覺而誕

生

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

皇考

聖祖恩眷通常八歲時患腹疾

皇祖方巡狩塞外聞之遽馳歸一晝夜而至其篤愛有如

此者奉事

庭闈數十年深愛慈敬無一言一動不允當

皇祖之心每語眾稱爲至孝先是舊皇太子贈理親王之

未得罪也

皇考小心承順恪盡臣弟禮而王恐

聖祖眷愛日隆有妨於己遂至以非禮相加

皇考每順受之而剛正之氣亦不爲少屈律已則篤謹有

加焉及歲戊子王以罪廢居常進諛者多背離相忌

者率傾陷禍且不測

皇考多方保護以惻惻惻怛感慰

聖祖之心而曲爲王解始獲矜容王乃愧悔自失東宮舊

屬咸灑泣驚頌

聖德方是時

聖祖違和又以允禔允禵等屢作非彝以干

天怒居常鬱鬱病勢增劇

皇考竭心孝養凡百躬親靡晷夜連四閱月

聖躬乃安及理親王再廢

聖祖春秋益高諸王中私懷覬覦者往往矯飾名譽私樹

黨援而

皇考絕不以一事自表異友于兄弟均平如一莫不同其

憂喜軫其疾病其自取咎殃者亦不避嫌疑力爲調

劑自內外族姻左右大臣以及近侍宿衛無一人往

來親密者

聖祖用是灼知

聖德淵懿大義明著無黨無偏足以膺

宗社臣民之付屬也及遭大故水漿不入於口以乾清宮

東廡爲倚廬素服齋居養心殿三年如一日每遇朔

奠殷祭及獻食

壽皇殿悲不自勝哀動左右

躬送

梓宮安葬

景陵

仁壽皇太后升遐哀誠一如初禮凡

太廟

郊壇必躬必親致齋致懇觀者罔不肅然起敬每遇水旱

之祲輒慨然曰

上天譴責朕躬命直省旬月奏報雨雪苟應時則喜動顏

色或過期即減常膳元年五月京畿旱虔禱於

宮中自晨至夕不膳霖雨立沛蓋

皇考深念所任受於

皇天暨

列祖者惟茲天下之蒸黎故休戚相關如保赤子而民之

所以安者存乎政政之所以舉者存乎人故宵衣旰

食日有孜孜尤以是爲先務焉念民所苦病者莫若

賦重而刑濫有司遇災祲而不恤巧法侵漁或惰侈

以自耗致民俗之日偷遂姦利縱淫樂聚徒鬪狠若

是者皆盜賊之源也

皇考卽位之元年卽大免直省通賦陝西甘肅二省以軍

興運餉其所供賦稅無歲不蒙豁免七年至九年輪

蠲各省賦稅有差自元季張士誠據蘇松嘉湖陳友

諒據南昌袁瑞與明太祖苦戰於江東西橫斂以給

軍終明之世故籍未改

特命承除數郡浮糧著爲令典凡直省報災朝聞發不待

夕夕聞發不待朝每語近臣朕獨顧發賑如救焚拯

溺猶恐災黎之鮮有濟也彼視民之傷與己若無與

者獨何心哉常念水土爲農田之本而救荒之政莫

要於興工築以聚貧民遂博求海內水利修川防俾

各省河渠湖澤歲久或淤塞爲連州比郡農商害者

咸開濬之京畿則

命怡親王大學士朱軾經理水利營田官開水田數萬頃

聽民自占者不與十餘年中費數百萬貧民皆取食

焉洪澤湖都受淮流廣數百里恃高家堰爲關鍵以

束淮而敵黃下河七州縣民命繫焉發帑銀百萬盡

改石工浙江松江海塘經潮水屢漲修築相繼費數

百萬濱海之民始得安衽席無爲魚之患往者封疆

大吏好因事以自爲功有司承迎以速進取之路凡

有興作及賑災動稱捐助或曰小民樂輸

皇考再三諭禁以蘇民困州縣巧取有禁門關苛索有禁

而民隱之萬難上達者莫不在

皇考洞鑒之中每遇重囚卽深壓

睿懷屢飭法司必三覆奏好生之德發於不能自己者如

此念刑罰所以濟政教之窮必修禮正俗乃可清其

源詳注

聖祖仁皇帝諭旨十六條

親製勸農種樹之詔

御書刊示四方

命九卿詳定貴賤服色兵民婚喪禮制實舉孝義貞節分

遣御史巡行直省常恐所任非人則雖有良法美意

德難下究教不虛行故搜揚俊乂立賢無方自唐宋

以後秩祿不足以贍庶官不肖者各以他途取之用此苞苴盛行不可遏止

皇考於外省督撫以及州縣親民之官各賜養廉較正祿

數十百倍其在京師卿貳則賜雙俸司旅並給飯費

雖間曹職官亦準俸銀之數賜之廩穀而寡廉鮮耻

巧取以殃民者法亦有所必行焉左右輔弼及封疆

重臣忠勤夙著猷績彰聞則推誠倚任坦然不疑俾

得展盡底蘊而常戒以面從責以啟沃優容寵賚十

百於尋常其有恃功驕蹇植黨營私者則法立必誅

而忠直善良卽時有失悞屢被譴訶卒保全其終始

建賢良祠崇祀

累朝碩輔其餘著勛伐效命疆場者皆錄用其後人又念

士者民之表儀而庶官所由備也故廣其登進之途

而董之以教元年

命郡州縣學官必用正途二年

躬詣太學頒訓飭士子文四年

命直省督學舉英才八年舉通曉性理舉人八人並

賜進士各省會俱特建書院取之之廣恤之之周如此兵

者民之衛藩而國威之所蓄也故勤其蒐簡之政而

曲體其情

命提鎮考核將校必察其訓練指循之實毋得徇私提鎮

之優劣一以整飭將校訓練行伍和輯兵民定之士

伍則正糧之外別發帑銀俾軍帥營運以恤其婚喪

蓋

皇考莅官馭將勤民養士整軍恤眾使文武並勵中外相

維制防曲盡如此重念八旗乃國家根本內外大小

臣工士民軍吏所觀式也故所以教之養之取之任

之察其情而優恤之者尤詳且備焉元年

命舉人庠生之服公事者各遣家專力於學誦設八旗官

學各就其方簡其士之秀異者而官教之

命諸王察舉孝弟守分力學者以承平日久生齒愈繁取

八旗餘丁四千八百人為教養兵歲給十七萬有奇

自五旗諸王不得以旗分人員多供差役擅治其罪

下此正副都統及參領佐領不得苛索外吏財物竊

嘗密究

皇考治法之源流然後古聖王所為以天下為一家以中

國為一人者其規模氣象始可得而見焉

皇考自宗親戚晚勳舊以及八旗之士眾自京師畿服以

及九州四海之軍民惟恐其疾苦之蔽重禮俗之衰

惡一如一身之中毛髮有觸而必動雖外藩蒙古皆

如家人父子其職官並子僚祿兵眾咸給月糧土默

特守臺站人歲時有賞用此凡有征討外藩效命屢

諭蒙古王貝勒宜愛民惠下其子弟之俊秀者或在內廷

教養之

賜安南以隙地減朝鮮琉球貢物厚朝鮮俄羅斯國人之

賞賚給琉球來學者歸國之道齎不獨澤流方外而

聲教亦漸被於遐荒十有三年之間宵衣旰食無晷

刻之寧不謂天下已治萬民已安而少懈夫朝乾夕

惕之

皇衷故以事

天之誠敬昭事百神而神無不格以法

祖之仁孝錫類萬物而物無不孚至於

孔子德配天地尤加崇禮王爵之封上及五世跪獻

之禮首著上下詳定配享先賢增置五經博士皆前

古所未有也教養宗室而寬其拘禁者自登

宸極卽封理親王子弘哲為郡王而於理親王未降一

旨未遣一使曰吾不欲受其拜並聞感恩之言也

錫賚頻仍惟

命內監傳送且教以詢所從來勿令告以上賜及王薨

躬臨哭奠追贈理親王命弘哲進襲親王爵分封供具特

厚怡賢親王之喪

躬臨哭奠哀慟久而不已自戊子年後允禩允禩輩莫不

妄冀非分結黨樹援嘗觸怒

聖祖

聖祖降殊批諭

皇考及諸王云朕與允禩父子之義已絕及

皇考嗣位重念弟兄情且知彼明敏能任事爰命輔政加

恩信用冀以感悟其心乃密封

皇祖旨於內閣不以宣示外人乃允禩不但不悔改且心

懷怨望怙惡不悛允禩在西寧多為不法顯悖臣禮

皇考雖申告中外明正其罪絕其屬籍而兩人猶得以天

年終罰弗及嗣自

御極以後瑞應駢至日月如合璧五星如聯珠黃河之清

自陝州至邛宿二旬有五日不變鳳集麟生慶雲甘

露靈芝嘉穀之祥不可勝紀

皇考每見奏章必深自警惕咨戒臣工苟德政之不修雖

天瑞不足恃也彰明人紀更定刑章凡繼母虐殺前

子以所生子抵法無故杖殺僕婢者分別輕重治罪

訪明太祖本支裔孫襲封侯爵以承其宗祀自明初

紹興有惰民靖難後諸臣抗命者子女多發山西為

樂戶數百年來相沿未革一旦去籍為良民

命下之日人皆流涕自準噶爾擾邊

聖祖仁皇帝宿兵西北陲以保舊屬諸藩青海之平也彼

又納我叛臣雖屢加訓告襲盜不休故定議濯征爲

一勞永逸計及十年大破之於喀爾喀之地邊將爭

言宜乘時進剿

皇考念彼遠處外夷武不可黷乃遣使諭告決意罷兵西

南洞苗自古爲附近州縣之害自平定廣烏蒙古州

歸義開地二千里而時戒邊疆大吏爲善後之謀敬

惟

皇考自始至終所以蒞官勤民教士恤軍安內馭外者無

不體之以誠本之以孝用之以中持之以正育之以

仁撫之以寬與

聖祖仁皇帝若合符節而更化砥俗使天下遵道遵路如

優恤宗室而禮度必謹於防維愛禮大臣而法禁必

行於貴近搜羅才俊而甄別不漏於昏庸教育士民

而誦誥獨嚴於欺類蓋非此不足以移文恬武嬉陰

私交結之風革吏蠹民偷險戾奸欺之習未嘗非

聖祖晚年整肅官方矯除薄俗之遺意也是以數年之後

蒸蒸日上變外自郡州縣吏私餽不行於大府監司內

而閭閻院司臺垣不敢以已事干外吏倉庫侵蝕者

所在充盈庠序鮮竄陵之士門關無需索之兵蠹吏

散朋奸民徙業孔子所稱善繼人之志善述人之事

者我

皇考實克當之

皇考即位之元年
手書建儲事密封宮庭布告羣臣八年六月
聖躬違和

特召臣名 御 及莊親王果親王和親王大學士內大臣數

人入見

面諭遺詔大意謂夙夜憂勤惟體

聖祖之心以爲心法

聖祖之政以爲政因見人情澆薄官吏徇私罔知改省不

得不懲治以戒將來故有從前條例本嚴而改易從

寬者乃原議未協朕與廷臣悉心酌定可垂永久有

從前本寬而改易從嚴者本欲俟諸弊革除之後酌

復舊章乃知

皇考聖智天縱灼見

聖祖不言之意以就前功而隨時取中用建民極蓋

聖祖時瘡痍初復非徧覆包涵不足以厚生養而定民志

皇考繼承之初則政寬而姦伏物盛而葉萌非廓清釐剔

大爲之防其流將溢漫而不可以長久兩朝

聖治正如天地四時之運相推相代以成歲功先儒所謂

雖有改制之名而無變道之實者此也

皇考聖意原欲大加整剔使弊絕風清人人皆知禮法而

後布恩施德以培國家萬年元氣

昊天不弔未假之年使十有三年憊精勞神之

聖心猶未釋於

龍馭上賓之日而廣大欲沛之澤不及旁流汪濊以遂

皇考之初志而

親見黎民徧德之休也嗚呼痛哉雍正十三年八月

皇考崩
聖壽五十有八乾隆二年三月庚寅葬
泰陵小子 恭書 謹稽首而獻頌曰

天行健運而不息陰陽甄陶萬殊一則惟

聖時憲建極宜民其用曷先曰義與仁富豐而享壽亦潛

滋既大且豫必戒其隨

皇考繼序履盛持盈日暄雨潤雷動風行

皇天所付惟此嘉師

四聖咨保予承予依日子作君在厚其生其災其害我躬

是膺日子作師在正其德其薄其頑我躬之貳設監

置牧惟民之安苟非其人慮爲民殘心膂股肱信賢

不貳庶司百吏開誠以示片言必錄小善必登耳提

面命母或荒寧官箴之敗交以賄成賢奸可易白黑

可更植黨背公譁張謫誑上下相蒙斯民曷望重增

秩祿用絕苞苴私途既閉邦經可臚旌賢擢能俾欽

俾慕誅念懲貪俾愧俾寤九官承式庶事寡愆大府

整躬百城晏眠敬刑明罰亂獄無滋歲會月要出納

無欺救荒拯溺家沾戶浹增防浚川役均廩給典禮

明教以示之則禁暴詰姦以除其惡煌煌

帝京政肅風清豪強屏息奸宄潛形博戲鬪鬻鴉苗雞

柵奇技淫聲兒童莫識近自畿甸周於海隅山行野

宿刁桀無虞曷占政成官稱其職曷占民安鼓腹作

息

皇帝致治身爲表儀由中達外誠一無私

郊
廟明禋洞洞屬屬

闕廷莅政雍雍穆穆大孝備矣昭哉嗣服省舊親賢久

而彌篤近承德意遠樹風聲父勉其子弟弟勉其兄未

明求衣日昃不食一日萬幾是匡是飭
天現其光珠聯璧合地效其靈河清川翁畝穗叢岐